

OMUKWETU

No. 12

Registered at the GPO as a Newspaper

12c

Omumbisofi omutiyali muELOK, a yapulilwa oshilonga

Omumbisofi omutiyali mOngeleka onkwaevangeli paLuther mOwambokavango, okwa ningi egano lye lyopambisofi, oshituthi oshitiyali mOngeleka ndjika paukwatya washo muule womimvo 16 sho sha ningilwe tango. Osha li mOngwediva eti 17.6.1979.

Engathithi enene Iyaakriste ya za koombinga adhihe dhaNamibia, mboka omwaalu gwawo tagu tengekwa po- 5000 sigo 6000, ogwa li moshituthi shika. Omusita omugundjukalela, Kleopas Dumeni, ngoka a yapulilwa moshilonga shuumbisofi, okwa li a thikama koshipala shaayenda yoshituthi a taalela omuyakuli gwe mowalitali, omumbisofi Erkki Kansanaho, pamwe naakwathi ye.

"Omuwa okwe ku ithana meshasho eyapuki nokwe ku enditha sigo onena moondunge dhe nomesilohenda. Nena oye te ku holeke momuzalo gwe u gwanithe oshilonga she, okutunga Ongeleka yaKristus noshigwana shoye."

Osho omumbisofi Kansanaho a popitha omuyapulwa petameko lela lyoshituthi pamatumbulo e ga lesa mOraamata ya Jesaja 49:1-2.

Omeho gaayehe oga li tage mu tongolola noga fa taga tumbula shimwe: **Omuwa mu yambeka.** Omathano oga li wo taga imbi oonote dhago. Onkalo oya li ya nika oshituthi, ya nika ombili nefudho po komikundu dha thigwa komagumbo nomoondjila.

"Nena esiku tu hambelele Omuwa ngoka a holola mpaka Ongeleka. Ihe Ongeleka yaSoomi oyo omutango mokunyanyukwa okudhiladhila aatumwa mboka ya longo tango mpaka.

"Oya lalakanene okutunga Ongeleka mpaka, oya longo muudhigu owindji. Kapwa

li ngoka a dhiladhila ngaashi yo, oyendji oye ya tala nokulimbililwa. Meidhidhimiko lyawo, Kalunga okwe ya humbata nOngeleka oya holoka po tayi ipangele."

Osho omumbisofi omuyapulwa a ningi okahistoli ketumo pafupi.

Omulumuntu gwaKalunga mepipi lye halwindji hamu hogololelwa omuntu oshimpwiyu shopaumbisofi, ota thikama owala a gundjila koshipala shaayakuli ye. Okwa zimina uudhigu woshilonga, ihe okwa zi-

Tala kep. 4



Omumbisofi Dr. Kleopas Dumeni, sho a taamba ondhimbo yewiliko lyOngeleka mOngwediva 17.6.1979. Omafano omakwawo goshituthi tala mepandja eti 4,5.

MEHISTOLI LA ELOK MWA WEDELWA

Opa pita paife omido 16 eshi Ongeleka ya Elok mOshoongaleleleka shomudo 1963, oya tokola okushikula onghedi yopaepiskopi noya hoolola omubishopi wayo wotete omudalelwa mo. Nopapita omido 25 eshi ya kala melipangelo layo vene. Eyapulilo lomubishopi omutivali moilinga 17.6.1979 otashi talwa lela onghatu yokomesho natango mehistolli IOngeleka ei.

Ongeleka oye ile melipangelo noilyo i fike ashike lunga lwopo 100, 200. Paife oi dule 280,000. Eindjipalo oli li po natango linene, eshi oonakushashwa tava di moupaani momudingonoko wOngeleka, vahapu. Otashi pameke ouhapu woshinakuwanifwa natango Ongeleka i shi na meni layo.

Omubishopi Dr. Kleopas Dumeni, okwa popya ngomuprofeti moshoo-ngaleleleka 1977 mEngela kutya: Omhumbwe yokuyakula Elok, itai manwa po vali komubishopi umwe auke mOngeleka, nande na kale omunyasha ngahelipi.

Shikwao natango shi shii kutumbulwa mekwatafano nekoko IOngeleka, osho eudeko layo moinkuwanifwa yayo. Shiimba inapa ningwa naanaa ashishe sha pumbiwa, ashike omalinnyengo mwaasho sha tamekwa, osheetifa eenghono.

Moule womido odo 25 Ongeleka oya tuma nokuli oikando ivali ovatumwa

vayo koshilongatamo pondje yOngeleka. Eshi osho oshinakuwanifwa shotete kOngeleka keshe. Mu Elok, opo pa shakenifwe oshinima eshi nawa lela, ongeenge taku hovelwa diva ofikola yetumo okuputuda ovashilonga mombinga oyo.

Efiloshisho leehepele opo li li pondje nomeni IOngeleka. Osho yo oikandjolongwa ikwao, kashi na mhumbwe tu i tumbule aishe apa. Opa ningwa omakwatafano neemwamengeleka pondje nomeni loshilongo okukondjifa ondjiikalela nondjiikalekelwa yolutu laKristus mounyuni. Nosh sha etifa uyadi wovaenda meyapulo lomubishopi, ovo va dja momaitavelo aeshe, okuyeleka neyapulo lomubishopi wotete mOngeleka.

Ashike fiyo onena oku na tuu ovo itava shiiva noitava itavele ondjiipangela yOngeleka, ei i na paife nokuli ehistolli lile. Apa otu na momadiladilo eulikilo koshipopiwa shomutoolinghundana umwe mOmukwetu No. 11, omo ta tumbula natango "Ongeleka yaSoomi mOwambokavango," ponhele yokutumbula Ongeleka yOwambokavango. Oshiwa shili okukoneka ovadali, ndele osheetifa yo onghenda okudina elifikameno lo-kaana oko taka kulu efiku nefiku. Vali oshidjuu ngoo shili okushiiva oo u mu ye.

Ehafo letu moukwatya aushe woshinima oli li apa kutya, omahaleloya mbeko aeshe a ningilwa omubishopi mupe, otaa tula omufindo opo kutya; a ka twikile komukangha oko Ongeleka ye enda tai kokele mokuudiva evangeli lekwatafanifo, monghalo ei ihee na oukumwe.

Okatikisa okashona

Otandi inekele oyendji otu na omapulo gasha kombinga yOkatikisa Okashona, mpoka ka za, oshilonga shako nelalakano lyako. Nenge nokuli omapuko galwe. Mpaka otatu gandja owala omauyebele gamwepo.

Komeho gethimbo ndyoka hali lukwa "The Reformation" — ethimbo lyoo-Martin Luther, pethimbo mpoka pwa zila Ongeleka onkwaLuther, Okatikisa Okashona kaka li ka tseyika manga. Oka holoka po mokati komumvo 1529 sho ndohotola Martin Luther a dhimbulula ompumbwe yelongo lyuu-kriste mokati kaantu yomomikunda.

Momumvo 1529 Martin Luther okwa li a lombwele ookuume ke ya tote po okambo koludhi nduka, ihe inaye shi ninga. Onkee Luther ye mwene okwa nyola okambo haka.

Shoka shi li mo

Momumvo 1529 Okatikisa Okashona kotango omo ka holoka. Oka topolwa miitopolwa iinene itano.

1. lipango omulongo
2. Eitaalo lyaakriste
3. Egalikano lyOmuwa
4. Eshasho
5. Uulalelo Uuyapuki

Kakele kiitopolwa mbyoka itano, omu na wo iitopolwa yilwe ine mbyoka yaa mo mOkatikisa ketu, kakele kEimatulo lyomwenyo. Iitopolwa iikwa-wo itatu mbyoka yaa mo oyo:

1. Omagalikano gongula nongulohi
2. Esilohenda nenge eindilo pokulya.
3. Elandulathano lyiilonga.

Iitopolwa iinene itatu:

Iipango omulongo, Eitaalo lyaakriste nEgalikano lyOmuwa oya li ya holoka tango momumvo 1528 pamukalo gufo. Nomu 16 Maalitsa 1529 iitopolwa ayihe iinene itano oya pu okushangwa. Konimalela uutopolwa mboka une uushona nawo owa nyolelwa mOkatikisa Okashona, nando haahe wa nyolwa kuLuther.

Elalakano:

Luther ngoka a li ha talele po aakriste momagumbo nomomikunda ngashi aasita ooyakwawo tu ya shi momagongalo getu haa ningi okwa li wo a talele po nomagongalo galwe moshitopolwa shoka hashi ithanwa Saxon nopalwe momumvo 1528 noshowo 1529 muNdowishilanda.

Patalelopo lye lyoludhi nduka okwa li a si ohoni sho a li i itsu aasita yamwe taa nyengwa nokokutumbula

Tala kep. 8



Amushanga omushona kOngongahangano yAakwaluther, Rev. A. Maasdrorp. Ekundo tala epandja eti 4.



Otwa dhimbulula omaudhigu gethimbo lyoye moka to ka wilika Ongeleka yoye. Nomolwashoka otandi popi uukumwe mpaka mekondjo pamwe nane. Oto ka dhimbulula oomwaka odhindji melandulathano lyiilonga yoye, ihe Kalunga ote dhi udhitha — Rev. F.C. Bell.

Ekundo lya za kukuume kAawambo kuku Ranttila

"Kalunga okwa lombwele nale ootate pamikalo odhindji momakana gaahunganeki. Ihe pomasiku ngaka gahugunina ote tu popitha mOmwana, ngoka Kalunga e mu shititha uuyuni, niinima ayihe pehulilo tayi ka ninga ye. Oye oku na eadhimo lyaKalunga nondjelo yaKalunga mwene. Oye ota humbata eshito alihe noonkondo dhohapu yomokana ke. Sho a yelitha aantu koondjo dhawo, okwa kuutumba kolulyo lwaKalunga, Omunankondo adhihe megulu."

Kalunga okwa lombwele. Okwa lombwele momakana gaahunganeki. Okwa lombwele shike? Otatu uvu Noowa Kalunga te mu lombwele: "Noowa tunga owato, oshoka otandi tumu eyelu kombanda yeve." Noowa okwa tungu, nokwa lombwele aantu: "Kalunga okwa lombwele ndje, tunga eha lyokuholama."

Mokutunga kwe oomvula ethele okwa kumagidha aantu, ndele inaye mu itaala. Nopompoka Kalunga a gwanitha oohapu dhe. Eyelu lye ya naantu ya kakama keyelu. Ndele ethimbo lya pwa po. Noowa awike negumbo lye lya hupu.

Osho Kalunga a lombwele aantu momakana gaahunganeki. Nekugagano lyawo olyi ifala muuyuni auhe. Noohapu dhawo odha thiki sigo okooha dhuuyuni. Aantu ayehe ya tseye oohapu dhaKalunga kutya odhoshili.

Otatu uvu Abraham; ohe yeitaalo. Kalunga okwe mu lombwele: "Za mo mevi lyeni, ngu ye nkoka tandi kulukile." Okwa vulika nokwa yi ke shi kutya openi. Okwe ende kee na egumbo, nokee na omutumba. Ndele ina kema naina nyenyeta. Sho a mono okanona, Kalunga okwa ti:

"Abraham, inda kondundu u kuthe omumwoye, epona lyoye, u mu hole, Isak u ye kevi lyaMoria, nguu ke mu lungunithile ko elungunithondjambo." Okwa yi nomunona. Omunona okwa pula he:

"Sho tu na omulilo niikuni twe yi humbata, ano elungunithilo oli li peni?" "Ya thiki ko. Abraham a mangele okanona kiikuni" Okwa yelutha omwele—Kalunga okwa ti: "Nena ondi shi shi, oho tila shili Kalunga". Abraham oti ithanwa OHE YEITAALO.

Aantu oomiliyona noomiliyona oyu uvu eitaalo lyaAbraham nokukondja kwe. Naasamane oyendji ya tokola moomwenyo dhawo nokupula Kalunga. Pe ndje eitaalo lyesindano. Noohe oyendji muuyuni auhe yi igidha, ya ti:

"Kalunga kesilohenda omunankondo adhihe. Pe ndje eitaalo lyaAbraham, nangame wo ndi gandje omwenyo gwandje aana yandje, negumbo lya ndje kungoye." Oshoka Abraham o-

kwa li e shi shi nawa kutya shoka Kalunga e shi uvaneke ota vulu oku shi gwanitha.

Osho aahunganeki ye tu fatululile ondjila yaKalunga, ndjoka tayi endwa koyendji. Kape na ngoka ta hokiwa kuKalunga, ngele ke na eitaalo. NomuNamibia omu na wo oohe taa lombwelwa kuKalunga: "Oshoka ngoka i itaala nomwenyo gwe aguhe, ota ningi omuyuuki koshipala shaKalunga." Enyolo tali ti: "Kehe ngoka te mu itaale, ita sithwa ohoni".

Sho twa ningi iigongi yaagundjuka muNamibia, otandi dhimbulukwa oyendji yomuyo, sho twa popi Josef oya hala okulandula olweendo lwaJosef. Okwa li omuvuliki kuhe. Muutondwe waamwayina ina geya, naina popya oohapu oombwinayi. Okwa umbilwa moshilambo, nokwa landwa po.

Mokukala muEgipti a sindi omamakelo: "Ondi ninge ngiini uuwinayi ndi yone kuKalunga kandje". Oyendji sho ye shi tumbula ya lili. "Kalunga kandje kwatha ndje wo" ya igidha kuKalunga. NaJosef te tu pe oshiholelwa. Ta lombwele aamwayina: "Inamu tila. Itandi mu ningile sha shuuwinayi. Omwa dhiladhilile ndje uuwinayi, ndele Kalunga e shi lundulula uuwanawa".

"Ano owindji wuuyamba waKalunga ou thike peni? Uunongo noondunge dhe odha hulila peni? Olye ta vulu okufatulula omatokolo ge? Olye ta vulu okuuva ko oondjila dhe?"

MuNamibia ne oomeme mu li muudhigu uunene. Nda lesa mOmukwetu sho mwa hokolola uudhigu weni mpoka u thike. MOmbimbeli wo otatu lombwelwa omukulukadhi Hanna nuudhigu we, nonkene a ningi. Okwa yi mongeleka yaKalunga, shoka okwa dhinwa kooyakwawo. Mongulu yaKalunga okwa yi mokakololo nokwa tsu oongolo. Omo moka okwa dhimbwa aantu ayehe, mboka ya li mo. Okwa kugu kuKalunga nokwa aneke omwenyo gwe koshipala shaKalunga ethimbo ele.

Aantu ya kumwa. Omusita okwa dhiladhila omukulukadhi okwa kolwa. Okwa yi kuye: "Sigo uunake to kala wa kolwa. Thikama, u ye". Hanna okwa ti: "Aawe tate, inandi kolwa,

ndele onda aneke omwenyo gwandje koshipala shaKalunga."

"One wo oomeme yaNamibia, mwa fa osho mwa ningi. NaKalunga ote mu uvu, ngaashi uvu meme Hanna. Omunona gwe Samuel okwa lele Israeli oomvula omilongo nomilongo. Nomo ku mu laleka, aantu oya ti: "Ino tu ningila uuwinayi washa, ndele we tu lele pautho lyaKalunga." Osho nane wo, oomeme yaNamibia tamu yambekwa, ngele itamu vulwa.

"Egalikano lyomuyuki otali vulu oshindji ngele lyoshili". "Shaashoka tamu indile nokugalikana, itaalenii kutya mwe shi pewa, notamu ke shi pewa. Nongele mwa thikama e tamu galikana dhiminii po kehe tuu ngoka e mu ninga nayi opo Ho yeni yomegulu wo a dhime po omayono geni.

Nena, pomasiku ngaka gahugunina Kalunga ote tu popitha mOmwana, ngoka eadhimo lyesimano lyaKalunga.

Taku tsikilwa

Etalaleko lyaJesus:
Itandi mu etha oothigwa, ihe otandi ya kune Joh.14:18.



5 ya sile metopo na
7 ye ehamekwa

Omupangi Thomas Luli, mOshipangelo shaNandjokwe, oye gumwe gwaantu yatano ya sile metopo lyomboma muuzilo wUukwanyama eti 28.6.1979. Pamwe naye omulongi wo gwosikola yaanona Selma Shihepo. Aantu yaheyali otaku tiwa oye ehamekwa.

Omuyakupangi nguka Luli, okwa longa ethimbo ele moshipangelo shEtumo mO-nandjokwe. Okwa thigi po omukulukadhi gwe, omupangi Hilja naanona yatano. Okwa li gwoomvula 38 adhike.



Mefano ndika omumbisofi Erkki Kansanaho ngoka a langeke omumbisofi Dumeni miilonga ota monika mefano ndika a kwatela ondhimbo yuumbisofi kolumoho lwe. Aayakuli ye yamwe otaa monika wo, okuza kolulyo; omusitagongalo Jason Amakutuwa, omumbisofi James Kauluma, omuwilikitumi Alpo Hukka, opo ihe to nuka po omumbisofi omuyapuli u ye pomumbisofi Leonard Auala nomusitagongalo Albertus Maasdorp.

mina wo eyambidhidho lyooitaali pamwe naye mOngeleka ye nosho wo muuyuni auhe.

"Oshilonga shoye omumbisofi oshidhigu, okutonatela elongo lyOngeleka, okutonatela aasita nokutala Omasakramendi ga topolwe pamukalo gwago. Momaudhigu gethimbo lyetu, Ongeleka oyi li moshiponga, onke twa pumbwa olwindji okuya kungoye ongomuwilikingeleka."

Omuwilikingeleka gwOngeleka onkwavangeli paLutheli ya hangana muSuid - Afrika, Muller Nedebock, osho e mu kumagidha.


Omumbisofi gwOngeleka yaKatolika, Bonifatius Ausiku, omumbisofi gwtango

omuluudhe gwOngeleka ndjoka muNamibia, okwa lombwela omumbisofi omuyapulwa:

Kalunga oye e ku pe omutenge ngoka gwa humbatwa nale komumbisofi Dr. Leonard Auala ongependa. Ngashingeyi omushigakano ogu li komapepe goye. Ihe ito pumbwa okutula sha, oshoka omagalkaneno getu opo ge li, otatu ku galikanene.

Manga omumbisofi omuyapulwa inaa za po poshiyambelo nomanga inaa hempulula eitaalo lye, omumbisofi Kansanaho, omuyapuli gwe okwe mu lombwele:

"Inda nombili, u ka gwanithe oshilonga shokutunga Ongeleka yaKristus moshigwana shoye."



Omumbisofi Erkki Kansanaho ta popitha omumbisofi Kleopas Dumeni.

Aahiywa koshituthi oya li holola omadhiladhilo gawo

Oshituthi shOngeleka sheyapulo lyomumbisofi omutiyaali, osha li sha tulwa nawa melandulathano lyoopala. Aahiywa ya simana naakalelipo yoomwamengeleka meni nopondje yoshilongo shetu nookuume muuyuni, oya li ya pewa ompito okweeta omakundo gawo.

Aagandji yomakundo ye vule omulongo, oya li ya holola omauvito gawo kombinga yoshilonga shuumbisofi (ewiliko lyongeleka) nokonkalo yoyene yoshilongo ashihe. Yamwe yomuyo oya tile ngeyi:

Amushanga omushona kombelewa yOngongahangano yAakwaluther muuyuni (LWF), omusita Albertus Maasdorp, okwa gandja omakundo gombelewa ndjoka peha lyaAmushanga Ndjayi, Dr. Carl Mau Jr. ngoka ina wapa okuholoka. Okwa ti:

Oomiliyona dhi vule 50 dhAakwaluther muuyuni otadhi nyanyukwa pamwe nane omolwoshituthi shika. Ongongahangano yAakwaluther itayi ka dhimbwa nando eyakulo lyomumbisofi Dr. Leonard Auala, ngoka a kala mewiliko lyOngeleka ndjika nokwa yakula wo mewilikongundu lyOngongahangano.

Ngoye omumbisofi Dr. Kleopas Dumeni, oto ka kala wo kuume ketu, omuwiliki gwOngeleka onkwaLuther. Dhimbulukwa ohapu yaJesus sho ta ti:

Tala kep. 5



Uumbisofi kau shi sha shilwe, ngele ando hakuvulika komukwaniilwa gwaakwaniilwa nokOmuwa gwaawa nokugwanitha ehalo lye, osho omumbisofi Dumeni a tsuwa omukumo komutetekeli gwe, Dr. L. Auala.

Ngele tamu kala moohapu dhandje, otamu ka tseya oshili noshili otayi mu mangu-
la Joh.8:31.

Onkalo yetu kayi na oshili, ihe tse otwa
ithanwa tu hokolole oshili. Owa pewa
oshipatululo shokuya memanguluko lyO-
ngeleka yoye nomemanguluko lyoshigwa-
na shoye.

Omukalelipo gwOngeleka onkwaevangeli
paLuther muAmerika, Dr. Paul Wee, na-
ye okwe eta ekundo lye moka a holola
ekwatathano ndyoka lya tungwa pokati
kOngeleka onkwaLuther muAmerika na-
ELOK komumbisofi omukuluntu Dr. Aua-
la nolya tsikilwa komumbisofi omuyapu-
lwa Dr. K. Dumeni. Okwa ti:

Tse muAmerika otwa tseya Ongeleka
yeni naawiliki yeni. Otu lyeni ezimo
limwe. Enyanyu lyeni olyo wo lyetu nuu-
dhigu weni ngashi mu li muwo, otu uvite
pamwe nane.

Eitaalo lyetu olyo ndika kutya uudhigu
weni onau ka pwa po, onamu ka kala



**Omumbisofi Dr.L.Auala ota gandja omushigakano gwoshilonga komu-
mbisofi ngoka a yapulwa Kleopas Dumeni.**



**Efolo Sally Motlana, omupresi-
dende gwopevi gwOraata yOo-
ngeleka mu S.A.**

mevi lya manguka notamu ka nyanyu-
kwa ihe. Oongeleka adhihe onkwaLu-
ther nadhilwe wo moshilongo shetu odhi
li pamwe nane menyanyu ndika. Kalunga
ne mu yambeke.

Omusamane Wee, oku li omukalelipo
gwOngeleka onkwaevangeli paLuther,
kOngongahangano yAakwaluther, ku-
Geneva.

Kehangano lyoongeleka onkwaevangeli
paLuther muumbugantu waAfrika (Felk-
sa) kwa li kwa tegelelwa omupresidende
gwehangano ndyoka, omumbisofi Haabel-
gaarn, ihe ina mona ompito. Peha lye
opwa holoka owala amushanga gwehanga-
no omusitagongalo Frederick Bell ngoka e
eta ekundo medhina lyoongeleka ndho-
ka.

Omupresidende gwopevi gwOraata yOo-
ngeleka muSuid-Afrika, efolo Sally Mot-
lana okwa mono wo ompito yokweeta
ekundo medhina lyOraata yawo. Ekundo

lye pafupi ndyoka lya li lya ligolelwa
kaapulakeni okwa ti ngeyi:

Shono twa kala ashike hatu shi uvu mo-
kulesha iifo kombinga yoshilongo sheni,
otwe shi mono nomeho getu. Tse otu li
pamwe nane momaudhigu geni. Otatu ku-
gu kuKalunga pu holoke elunduluko lyo-
mbili notwe shi itaala, Kalunga okwa ga-
ma kombinga yetu.

Kristus ine endela mboka ye li nawa,
nenge yu uvite inaa pumbwa sha, aawe.
Ihe nando ongeyi, ehupitho lye okwe li
dhiladhila omuntu kehe. Lalekweni nuu-
yamba oshigwana shaNamibia, Kalunga
na laleke nuuyamba aavalelwamo yaAfri-
ka alihe.

Efolo Motlana oye wo omupresidende
gwoongeleka adhihe dhahangana muAfri-
ka. (AACC)



Dr. Paul Wee




**Mefano ndika okuza kolulyo omumbisofi E. Kansanaho, omuwilikitumi A. Hukka
nomumbisofi Dlamini mu S. Afrika.**

ETUMO MUSOOMI NGASHINGEYI OTALI YELELE OYENDJI

Oshituthi shetumo shokomumvo, nuumvo osha dhanwa ishewe muJoensuu, muumbugantu waSoomi, petameko IyaJuni. Kohi yoshipalanyolo shoshituthi: Okukala kumwe kwaanegumbo IyaKalunga, aantu ye thike lwopo 8000 sigo 10,000 oya li mombepo yuumwayinathana.

Omugandjinkundana gwEhanganotumo IyaSoomi, meme Ella Väänänen, okwe tu nyolele ngeyi ta ti:



Mefano ndika egumbo Iya Matti Seppälä moshituthitumo.

EGONGALO OOLYE ANO?

Ope na okwaauvako momagongalo getu. Oyendji inaa tseyana nando kutya oye ngoka e na okuhumbata oshimpwiyu shegongalo. Olwindji omusita, ngoka aakwanegongalo haa tala oye awike e na oshimpwiyu negongalo, okwe ethelwa iilonga. Omusita oye awike egongalo aniwa! Shivallewe.

Aagundjuka, nane wo aakuluntu, tseyeni kutya ne mboka mu li iilyo megongalo, one egongalo Iyo Iyene. One mu na okuhumbata egongalo Iyeni yene - hamusita awike. Omusita oye owala omuwiliki megongalo, ihe itashi ti oye e na okulonga iilonga ayihe megongalo. Okwa pumbwa egongalo alihe li itule moshilongayakulo shika oshiyapuki noshinene.

Aagundjuka mboka ye na oonkondo ohaa etha owala omusita a sikuuke niilonga oye awike. Taleni ne aagundjuka oluhepo ndoka lu li miinyanga yomagongalo getu. Ngoye ou na oshikaha oshivanawa. Ou na omagano gokuyalula. Omolwashike to etha iilonga yegongalo Iyaandjeni tayi lala.

Iinyanga yomagongalo yimwe kayi na oohamushanga, onkene ohayi kala ya pata nopethimbo Iyokuyakula egongalo. Omusita sho e li po awike uuna a za po, nena eyakulo alihe olya za po wo ngaaka Egongalo, unene tuu aagundjuka, nali itule mo mokwiyambela oshilongayakulo shegongalo.

Onawa wo aagundjuka tu dhiladhileni nawa oshilongatumo megongalo, oshoka nasho oshinakugwanithwa shetu. Natu yakuleni nomwenyo omwaanawa gu udha

Moshituthi shika otwa li shili tu uvite uukumwe wuukwanegumbo IyaKalunga, ofamili yaKalunga. Aakuluntu, aagundjuka naanona oya gongala pamwe melongelokalunga. Oshikalimo shomelongelokalunga ashihe osha kwatakanithwa wo netumo Iyomombepo paradio, opo mboka ye li komagumbo ya vule okulandula moradio.

Euvitho Iyoshituthi olya ningwa kaanegumbo IyaMatti Seppälä. Meme Raili natate Matti naanona oyu uvitha pamwe. Opwa li uukumwe uuwanawa shili. Opwa ningwa omagalikano guukumwe nomagalikaneno gaamboka ye li kokule.

Miigongi oyindji omolwoshituthi shika, otwa li twa dhimbulukwa oshigwana shaNamibia, Ongeleka yaELOK, aanashilonga naatumwa yayo.

Otatu kunditha unene nefano ndika Iyaanegumbo IyaSeppälä.

Osho omugongelinkundana meme Ella a hokolola ngeyi.

Onkundana ndjika ombwanawa oya kolekwa kaatalelipo yOngeleka yetu; tango omumbisofi Erkki Kansanaho nashewe omuwilikitumi omusita Alpo Hukka pethimbo Iyeyapulo Iyomumbisofi K. Dumeni, Omumbisofi Kansanaho okwa hokolola:

MOsoomi omu na epapudhuko enene ngashingeyi. Omaudhigu ngoka ga kala po shito omolwoshilonga shetumo, ngashingeyi otaga shonopala. ligongi yetumo otayi udha ngashingeyi. Oyendji oya hwama moshilonga shika. Osho a ti.

ohenda nolukeno, sho tu shi shi, tse aakwanegongalo, otse ooyene yegongalo negongalo Iyo Iyene. 1 Tess.3:5.

Omugundjuka omukweni mekondjo

F. N. yaKathindi

ZIMBABWE NOVANA VAYE MOFUKA

kuSebulon Ekandjo

MuNamibia ehoololo la ningwa muZimbabwe muApilili neudo, oliwa lopa mbili, lopashili nolopaudemokoli. Olo alike ngeno li shi kulongifwa mounyuni wonena.


Ashike mounyuni wopondje, ehoololo la tya ngaho, olii, li limbilika, li tilifa, lihee fi kupopilwa ile kuvalulwa nomutandavelifi woimbide mopolotika yoshilongo osho nomoumbuwanhu aushe waAfrika.

Ova shangela nge tava tii

MONamibia omu na ongundu ndjoka yi shiwiki nawa muNamibia alihe, kAaluudhe nOkaatiligane, Ongundu yaSwapo yaNamibia. Ongundu ndjika oto adha nkene taya yi popilwa muuwinayi nomuuwanawa. Shika otashi ku kumitha notashi ku tsu wo omukumo nenge shi ku teye omukumo, mekondjo lyoye.

Mpaka onda hala okukumagidha koshigwana ashihe kutya ngele to uvu omu mwoye a kwatwa medhina lyaSwapo, tameka okuligola. Ngele tatu dhengwa, kaleni nokunyanyukwa, oshoka otatu ka sindana.

Lenga yaLenga



Omukulu gwonale oku li mondjila sho ta ti: "Ompamba ihayi si omeya." Otatu shi mono sha yela miinima oyindji. Ompamba ihayi si omeya. Shika osha faathana naangoka ta dhengelwa oSwapo, ita hulu po.

Lyahula



Ootate nye, oovene vomikunda. Dimbulukweni oshili, ouyuki koshiwana. Efeni oihelene, eembubo, omatulo okeembuda, okadengela kongudi nosho tuu aishe moshiwana.

Oshiwana ashishe osheni, kaleni hano ovanashili novayuki, ndele havanaihelele, Omwene note mu wedeleko.

H. Nepolo



Omusamane Steyn siku e ya pombelewa yOngeleka yaElok, okwa popya ta ti: Ongeleka oyo nayi tetekele, epangelo lya S. Afrika li landule ko. Ngashingeyi okwa tula aantu mondholongo, ye a indilwa kOngeleka e ya mangelule mo.

Sho a ti kutya Ongeleka nayi tetekele, otashi vulika pamwe naantu mboka ta ti kutya naa itedhulule tango opo e ya mangelule, ya gama kOngeleka? Nongele oko ya gama otaa itedhulula ngiini?

I.I. Kaankulwa



Fyeni Ovanamibia otu na elao mekondjo letu, osheshi ohatu kondjo yo nomeitavelo. Tu lweni nomailikano okwiilikanena oovakwetu. Tu ilikaneneni ovo ve li meedolongo kuTate Kalunga ou e na eenghono.

Joel I.J. Shikongo



Epingafano eli lomadiladilo okutala opolotika yoshilongo osho, ola dja nale konima kokule. Shi dulife pulutano, opa ningwa eenghundafana dokumangulula Zimbabwe pamukalo wombili, wa tambulwa ko koiwana aishe mounyuni.

Ekundafano kwa li leetifa eenghono ola ningilwe pokati kaBritania omushamane Ian Smith (omukolonyeki waZimbabwe) nokeengudu dekondjelomanguluko odo di li momufitu. Osha li 1977 muGeneva. Inali pita.

Oshifo shedina "Africa Acts", 1978, okutala opolotika nhumbi tai ende moshilongo osho osha ti kutya; epangelo tali ka tambulwa kounyuni muRhodesia, itali ka talikila mouhapu wovalaule tava pangele, ndelene omokutala olyelye ta pangele no kwe uya po pahoololo la longekidwa ngahelipi.

Ediladilo loshifo osho ola fa la pendulwa kepopyo la umwe wovakondjelomanguluko, omushamane Ndambaningi Sithole, konima yeenghundafana dimwe eshi a tonga kutya; ye ota ka shuna momufitu ngeenge ehoololo muZimbabwe inali enda nawa.

Oinima nee eshi hai yukile ko, ehoololo eshi la ka ningwa mo, pamadiladilo aye inali ka enda vali ngashi kwa li a teelela. Ashike momufitu ye mwene ina shuna mo, ndelene mepangelo nee olo la totwa po, hali ufanwa muNamibia olopaudemokoli, ina ya mo.

Osho hasho ashike sha piyaaneka omadiladilo ounyuni. Eekamba deenhauki moilongo yopoushiinda; Botswana, Mozambikwe, Zambia naAngola, odi yadi mo ndoo. Ovana vaZimbabwe moundedi.

2) Inape uya natango ekuluko moZimbabwe momuvalu woonakufila moita, eshi va kala hava tengenekwa po 20 fiyo 50 mefiku, fimbo ehoololo inali ningwa.

3) Inape uya ekuluko lelongifo loimaliwa ihapu moshilongo osho sha hepekwa omido dihapu kondjidikila yoipindi mounyuni, ou hau tengenekwa pomiliyona imwe nasha mefiku - The Star 12/4/1979

3) Oimuna ya fya moshilongo osho 1978 omolwoita, ohai tengenekwa 500,000 manga moule weedula mbali i fike pomiliyona imwe. - The voice 29.5.1979.

4) Eengudu dekondjelomanguluko; Zana yaRobert Mungabe na Zapu yaJosua Nkomo, fiyo onena odi li momufitu da homata, nosho hashi etifa po efyo lovanhu ve fiké opo.

Omolwaaishe ei inai ya natango peenhele dayo, ounyuni wa nyengwa okuvalula epangelo lipe laZimbabwe. Ye Britania ou a kala a nyengwa fiyo opopo okulongekidila Zimbabwe emanguluko liwa, omukumo waye ngeenge ona ka valula epangelo laMuzorewa ile ite shi ningi, ote ke u konga moshongalele sha Commonwealth (oshongalele shoilongo younyuni ei ya mangululwa kuBritania). Ota shi ningwa neudo muAguste muZambia.

Oshi shii kutengenekwa noupu kutya omolwashike epangelo laZimbabwe eli la ekelwashi kounyuni, tali hambelelwa muNamibia. Ngeno okwa li oilongo ei ivali, ovana vaina imwe ngeno ohandi ti, Zimbabwe oshiveli naNamibia onghelo, moukwatya wopolotika yayo.

Itandi ka tumbula vali apa kutya eenghundafana muNamibia oda ponya lungapi. Ashike osho sha ningilwe komushamane Ian Smith 1974 eshi e likufila epangelo kuye mwene meenyala daBritania, osho tashi ningwa nena apa kongudu ei tai ufanwa Oshongalele shopashiwana meliliko lomushamane Dirk Mudge.

Ehoololo la ningwa muRhodesia muApilili 1979, la ekelwashi kounyuni, ola fa likwao la ningwa apa muDesemba 1978, la ekelwashi kounyuni, ndele muNamibia olo alike loshili notali fimanekelwa ongudu ei tai lele paife oshiwana.

■ Kandi shii omuvalu waava tava file moita efiku keshe moshilongo shetu.

■ Kandi shii omuvalu woimaliwa hau longifwa moita yoshilongo shetu efiku keshe.

■ Kandi shii eliko li fike peni hali kana omudo keshe omu.

■ Ongudu ya homata omo i li momufitu, yo oyo hai etifa po omuvalu woonakufya, eshi va hala okwaalukila kooina.

■ Ovana vaNamibia omo ve li meekamba deenhauki moilongo yopoushiinda; Angola, Zambia naBotswana. Ova hala kedu lavo. Hano aishe ei kape na eshi sha wapekwa.

Umwe womovapangeli vetu okwa udika ta popi momutumba woshongalele shoshiwana omafiku aa kutya, pamadiladilo aye evalulo lopaiwana muNamibia ngeenge tali lalakanenwa, otali ka yandja ashike omhito iwa kuSwapo okudipaa ovanhu vahapu. Okwa ti ina pumbwa oshilongo sha valulwa kounyuni sho shi na eembila dihapu.

Eshi osha pingafana vali nefaneko loilongo itano eli la tambulwa kounyuni aushe, kutya ombapila yexulife po loita ngeenge tai shanwa ku S. Afrika naSwapo, osho okuxulifa po omadipaafano, okukufifa mo ovanhu va homata momufitu, okwaalulula eenhauki koshilongo shavo nokushuna aishe ponhele yayo.



Oshilonga shondhimbo nomushigakano sha fatululwa

Oshilonga sheyapulo osha landulwa komushigakano nondhimbo mbyoka ya pewa omumbisofi. Ilongitho mbika oyo "osimbole" (endhindhiliko) lyoshilonga.

Ondhimbo otayi holola omusita omwaana- wa ngoka ta gamene oonzi dhe kiiponga. Oyo wo endhindhiliko lyokuuvitha nokugamena. Omuprofeti Hesekiel ota nyola: Ndjoka ya kana otandi ke yi konga 34:16.

Omushigakano otagu hokolola oshilonga shoku uvitha Kristus. Ogwo wo otagu hokolola uudhigu. Omushigakano gwaambisofi yaELOK, ogwa faathana naanaa naangoka gwaambisofi yomOsoomi. Naa- shika endhindhiliko lyekwatathano pokati koongeleka ndhika mbali.

Omathimbo otaga lunduluka niinima yamo osho tayi ningi. Ihe omushigakano itagu lunduluka nando. "Omandhindhiliko ngoka gaali otaga ka humbatwa nokomeho kaambisofi taa ka landula mongeleka ndjika. Ogo wo otaga ku uvitha komeho.

**Pethimbo alihe lyoshituthi,
omathano oga kala taga imbi
oonote dhago sho taga toola
oonkundana dhoshituthi.**

Okatikisa Okashona

Dha za kep. 2

"Tate yetu megulu " momutse.

Eitaalo lyaakriste nlipango omulongo ando iihuna nee. Onke a li i ikwata komulungu e ta ti: Aantu, unene mbo- ka ya kala momikunda, oya fa yaa na ontseyo yasha kelongo lyuukriste, naasita oyendji kaye shi sha noinaa gwana okukala aalongi.

Okatikisa oke na okulongithwa me- pukululo nelongo lyaanona megumbo. Taa vulu oku ki ilonga megumbo mo- mutse, opo sho taa yi komalongo guukriste oya mona ngaa ontseyo ya- sha pegumbo. Oke na wo okulongi- thwa komukriste kehe, oshoka oku na aakriste, ihe oya fa owala aapa- gani, opo ya hume komeho meitaalo lyawo.

Oku na wo Okatikisa Okanene hoka ka li ka nyolelwa unene elongitho kaasita. Omo ngaa ke li mOshiwam- bo? Epulo ngiika otali yamukulwa kaakriste ayehe ndi! Hasho?

Onawa kehe gumwe ando u imonene Okatikisa Okashona pamwe negumbo lyoye. Ngele ou ka na noto lesa no- meho ga tonata, oto mono mo noto likola mo uuyamba nuunongo wopa- kriste. Dhimbulukwa wo kutya, oko embo lyopakriste li na ombiliha ne- nge tali vulu okulandwa konyala ku- kehe, li na oshindji!

"OMUWA TU HUPITHA MUUWINA- YI"

S.V.V.Nambala



EINDILO KAALESHI

Aaleshi aaholike yOmukwetu, onda hala mu kwathe ndje kehe gumwe ta vulu opo u nyolele ndje ehokololo nenge ondjoko- nona nuukwatya woshinima shimwe, iyali nenge ayihe kiipalanyolo mbi tayi landula:

1. **Aakwampungu (aathithi):** Ano oya kala haa galikanwa nohaa longelwa ngiini mOwambo?

2. **Iidhila niituthi yOshiwambo:** Iidhila oyini ya tseyika mOwambo? Iituthi yO- shiwambo ya simana oyini? Nyola owala shoka to dhimbulukwa ngele pafupi.

3. **Ohango yOshiwambo (Ohango yiitsa- li):** Ngaashi naanaa u yi shi nenge ho yi uvu, hokololela ndje.

4. **Ombuto:** Aantu ohaa ningi ngiini opo ya pitithe ombuto?

5. **Oshipe:** Aawambo oya li haa li oshipe ngiini mekwatathano naathithi?

6. **Uukongo nenge Ekango:** Oshike hashi ningwa po, aantu ngele taa yi kuukongo nenge kekango? Noshike hashi ningwa po mokugaluka?

7. **Ohula:** Ohula oshike nohayi ningwa ngiini?

8. **Okupita etanda:** Oshike nohashi ni- ngwa ngiini?

9. **Epito** Omukulukadhi ngele okwa mono okanona oshike hashi ningwa po opo a pitithwe?

10. **Epaha:** Ngele kwa valwa aakwana- mbwiyu, ohashi ningwa ngiini?

Oto vulu wo okushanga sha shilwe kehe tashi popi sha kombinga yiituthi niidhila yOshiwambo Oto vulu okunyola mOshikwanyama, mOshindonga, nenge mOshidhumo.

Uule, nyola nando omapandja eyovi. U shi kunyola nenge ku shi shi nawa. Oshi- nyolwa shoye ando shi thike manga 30 Novomba 1979 inaaga thika. Shi tuma ko- ndjukithi ndjika.

Mr.S.V.V. Nambala,
P/B. 206, Mapumulo, 4470

Alikana kwatha ndje.

OMUKWETU

Oye oshifo shOngeleka Onkwaevangeli paLuthr yomOwambokavango. Oha nyanyangidhwa mOshinyanyangidho shOngeleka mOniipa. Omukuluntu gwoshifo omumbisofi dr. Leonard Auala. Ondando yOmukwetu komumvo muAfrika R 2-60, kombanda yomafuta R 5-00. Omambesitelo pamwe noondando naga tu- mwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS
ONIIPA P/BAG 2013 ONDANGWA 9270